li rispose sier Antonio Zustignan dotor savio dil 182 Conseio; andò poi suso sier Hironimo Barbaro dotor e cavalier che è di Pregadi, parlò pocho, el qual voleva certa sua opinion. Poi andò le parte: 32 di l'Emo, el resto di savii, e questa fu presa, et fo comandato grandissima credenza.

Fu posto, per li savii d'acordo, che a li proveditori zenerali in campo se rispondi prima, che poi che i è mossi di alozamento, inteso le raxon scriveno, debano star lì ma più uniti che i poleno e riguardosi. Item, quanto al castelan di Brexa, che si lui li manda a dir altro, li rispondano s' il se vol render si renda che haverà li pati di esser salvi conduti a pe' di monti salvo haver e le persone, e non zerchino altro acordo con Franza, et altre parole ut in litteris. Andò suso sier Antonio Grimani procurator e fe' una gran renga, dicendo è da tuor ditto castello ad ogni modo, e dirli semo d'acordo con Franza, e prometerli ogni cossa, perchè a Roma non seguirà alcun acordo con l'Imperador, e havemo a far con bari; e altre parole gaiarde. Non ave risposta dal Colegio. Andò la letera. Fo presa di 4 balote; che si uno di Colegio havesse messa l'opinion dil Grimani, era presa certissimo; et cussi veneno zoso a hore 4 di note.

È da saper, in questi zorni li synici da terra ferma erano a Treviso, e havendo hauto molti rechiami di Noal di manzarie fa sier Piero Orio podestà de lì, si levono di Treviso e veneno a Noal aldir le querele e far inquisition, poi ritorneriano *iterum* a Trevixo a compir il synichà.

A di 8, la matina. Vene in Colegio el legato over orator dil Papa et l'orator yspano justa il solito.

Di campo dal Dezanzan, di proveditori zenerali, di 6, hore 3 di note. Come el vicerè par si lievi da Gedi per esser il morbo, et va a Chiari alozar, e forsi sul cremonese per le vituarie che pur sul brexan hanno carestia. Item, mandano letere aute da Vicenzo Guidoto secretario nostro apresso il vicerè.

Di Vicenzo Guidoto da Gedi, di 6. De occurrentiis ut in litteris.

182*

Et lete dite letere, tutto il Colegio fo di bona voia et aliegri, et mandono per sier Alvixe Pixani, sier Hironimo di Prioli e Capeli e Vendramin banchieri per aver danari, e per Colegio fo scrito a Roma et spazato uno altro corier.

Da poi disnar si reduse la Quarantia civil e consoli di marchadanti col Serenissimo e consieri a far li poveri al pevere, et balotati numero assai, ne rimaseno 17, et steteno a far questo fin hore...

I Diarii di M. SANUTO. - Tom. XV.

In questo mezo, li savii di Colegio s reduseno a consultar, et deteno audientia al signor Malatesta di Sojano qual vol conduta di la Signoria, e fo terminato tuorlo e darli conditione.

Di sier Nicolò Michiel proveditor in brexana, date a li Urzi nuovi, a dì 4, fo lettere. Come eri, hessendo in campo con il signor governator e proveditori, e ditoli la deliberation fata dil levar dil campo di soto Brexa, et mandavano Hironimo Fateinanzi con 200 provisionati a Pontevigo, e con sei barili grandi di polvere, piombi, do falconeti e altre artellarie di ferro, con li soi bombardieri; et è stà bona deliberation mandarlo, perchè Pontevico domina il bresciano et cremonese, et è fortissimo alozamento per uno campo che si trova a 20 mia qui intorno, et lì a Urzi mandano Schiaveto dal Dedo che era a Pontevico con fanti 50, con alcune artellarie. Etiam la compagnia di domino Zorzi da Nona da cavalli 30, scrive anderà a Ponte Vico, et etiam munirà quella rocha di Urzi, quantunque la sia debile etc.

Questi sono citadini cremaschi fono mandati de qui a star per bon rispeto.

Domino Zuan Sabadin, dotor medico.
Domino Zuan Benedeto di Caravazi, dotor medico.
Bortholomio Gambazoncha.
Altobello Parado.
Zuan Maria Malegnola.
Domino Zuan Maria Benzon, fradelo di Sonzin.
Paulo Benzon.
Agamenon Benzon.
Domino Agustin de Vilmercha', dotor.

Jacomo Antonio de Obizo.

A dì 9 Novembrio, fo San Thodaro, primo 183 protector de questa terra. Non senta li officii nè banchi, ma per la terra si lavora. Vene in Colegio l' orator yspano con uno thesorier dil vicerè, venuto in questa terra zà do zorni con 20 persone, alozato a la nostra hostaria di la Campana, dice è venuto a levar 28 milia ducati trati da Napoli de qui per letere di cambio in man de' fiorentini. Questo ha lettere di credenza dil vicerè a la Signoria in soa recomandatione achadendoli alcuna cossa. Sentò apresso il Principe, è nominato et fo charezato dal Principe, nè altro volse esso orator.

Vene l'orator dil Papa episcopo di Ixernia, e parlato sopra questo.

Di campo, fo lettere di proveditori zenerali,